

SARS e tshwenyegile kudu ka ge Setsebi se sengwe sa Motšhelo se golegilwe bakeng sa go se obamele VAT

Tshwane, 21 May 2021 – Setsebi sa Motšhelo, seo se lekilego go efoga go iponagatša la mathomo kgorong ya tsheko eupša sa fetša se golegilwe ka moragonyana, se ile sa ahlolwa ka Kgorotsheko ya Selete ya ka Bloemfontein ka kahlolelo ya dikgwedi tše 24 tša kgolego ya go fegwa ka botlalo bakeng sa dikgwedi tše 48 tša bosenyi bja VAT. Se se latela go tshwarwa ga Mrn. Luvhengo ka la 9 Setemere 2020, morago ga ge a paletšwe ke go tšwelela la mathomo ka la 31 Julae 2020. O ile a lokollwa ka beile.

Ditatofatšo tša go se obamele di diragetše mola Setsebi sa Motšhelo Ritondeni Luvhengo a be a šomana le merero ya motšhelo ya khamphani ya tša kago.

Luvhengo o lebanwe ke ditatofatšo tše 24 bakeng sa go palelwa ke go bololla dintlha tša maleba tša ditlabela ka ga dipušetšo tša VAT 201 tše dirometšwego go SARS.

O rometše dipušetšo tša lefela tše 24 tša VAT 201 go SARS ntle le tumelelo ya moreki gore a kgone go hwetša Sethifikeiti sa Tshekego ya Motšhelo.

Ka lebaka la seo, molatofatšwa o ile a latofatšwa ka makga a 24 bakeng sa go tšea magato ntle le tumelelo ya moreki le taolo.

Khomišinare wa SARS Edward Kieswetter o rile, “SARS e ka se kgotlele go se obamele ba balefela motšhelo le ditsebi tša motšhelo. Gabotse re hlompha ditsebi tša motšhelo kudu gape re ba swarela go dimo, bjalel ka banamoleli go thakgasele ya rena ya obamelo ya boithaopo.”

“Go se obamele ga go fokotše fela ditseno tše SARS e kgonago go di koleka, eupša go tlhokofatša setšo sa obamelo. Phokotšego ya go koleka ditseno e ra gore ditirelo tša motheo go bahloki le bao ba šaparegilego di ka se fiwe, kudu ka nako yeo di hlokegago kudu ge Covid-19 e sa ntše e šarakantšha ekonomi.”

“SARS e tšwelapele go nolofaletša balefela motšhelo le ditsebi tša motšhelo go obamela boikgafo bja bona bja motšhelo gomme e tla tšwelapele go thatafaletša balefela motšhelo le ditsebi tša motšhelo bakeng sa bao ba ikgafelago go se obamele,” gwa realo Mrn. Kieswetter.

O tlaleditše ka gore ditsebi tša motšhelo di swere kholofelo ya balefela motšhelo ge ba šoma legatong la bona gomme kholofelo ye ga se ya tshwanela go robja. Mola bontši bja ditsebi tša motšhelo ba šoma ka go latela molao gape le ka dikgatlhego tša dinyakwa tša bareki ba bona, go na le ditsebi tše di šomelago dinyakwa tša bona.

Khomišinare o rile balefele motšhelo ba swanetše go hlokomela ka hleko kudu mabapi le motho yo bam o thwalago bjale ka setsebi sa motšhelo gomme ba swanetše go lekola maemo a ngwadišo go wepsaete ya SARS go www.sars.gov.za

Go hwetša tshedimošo e nngwe, ikgokaganye le SarsMedia@sars.gov.za